

瘡瘍經驗全書



第六卷

怪症一百有九

遍身肉出如錐

眼見飛禽形

眼垂至鼻

腹中有聲應

好飲油

卧則四肢不動

皮痒抓之血出

眼白黑見物形

喘不能語垂死

手足田出血刺

脇破腸出

口鼻氣凝如黑蓋

頭面發熱有光

身生泡水出有石片

醉吞水蛭

小便尿大便尿

玉莖硬不萎

身及面腫如蛇

大腸蟲出不斷

兒身泡生水出

兒生無皮

寒熱肢有聲

腸出寸餘

鼻臭水流

肢脫而皮連

腹如鐵臍水出

眉搖而目不能視

皮血出脹軍鼓

蛇瘕

蛟龍瘕

鱉瘕

雞瘕

尸厥

瘡如蛇出數寸

眼視物顛倒

婦胞傷不能便

產婦出肉線

產物乳垂至腹

婦見壁滿蓮花

痛見物如獅

腫潰骨出

灸而血出手冷欲絕

頭皮咀出

肋竅見啼

頭風耳雀鳴

產婦舌不收

婦生蟲

婦眼出血

產食茶粥一月身冷數塊

產門物如帕

婦三陰交血出欲絕

鬼擊身青

秋冬身紅點作痒

看剝死牛生泡

蛇入人竅

兒聞雷則昏倒

食下若別有咽至脇而痞

胸背背駝

項與頭堅硬

心口痛

身痒入骨

喘不喘嘔不嘔心中憤憤

夏行飲水寒熱如刀割

盤腸產

產後腹痛煩滿

婦腹諸病

婦腹痛陰中如石硬塞

兒遍身痒

陽物飛絲纏痛

胃寒腸熱

胃熱腸寒

疝引腹痛

口瘡不已

失音

脚指濕爛

新婚陰萎不舉

小便頻

女腕軟生物如荳痛

牙疼

卧身風出

刮腸痢

婦因甌冲面腫

食肉勞蟲

酒蟲

鼓脹

癩卒死吐痢

狐惑

兒生目不開

鵝虱入耳

烟熏欲死

禿積

兒生有四死症

收蝎咒

老婦腹痛創蟲

肯發塊倦不食

眼赤鼻脹大喘

蟲如蟹走皮中

鼻毛三尺長而痛

離魂

穿斷舌心血出

身頭浮腫如蛇

蜘蛛咬

蛇咬

魅化為貓

食芹腹痛

治中鳩毒

食河鮓戒服藥

喉爛氣腥

大胞匾腎

中惡客忤睡死

雄黃毒

產戶垂腸

救凍死

魘寐卒死

一切藥毒

喉嘔腸出

中惡忤眼見鬼物

一切菌毒

耳中出血

中惡客忤

天雄附子烏頭毒

舌上出血

酒食蟲

內毒嘔吐

解河鮪毒

產傷胞破

解諸藥毒

五種蟲毒

解鱧鱉蝦蟆毒

灘口吐沫

治一切毒

巴豆毒二

解牛馬肉毒

小腸疝氣

解砒霜毒

草烏毒

解飲饌中毒

服藥中毒

食魚中毒

食馬肝毒

自死六畜肉毒

中惡熱悶

椒閉口毒

食蟹中毒

中毒

中諸毒

小兒雜症凡一十四款

甘草法

開乳法

浴法

不飲乳

初生七星瘡

驚哭有淚

遺尿

不小便

凍瘡

痘痂落血出

痘斑瘡

骨入肉

吞稻芒

吞鈎鈎

尿牀

糞門秤鈎瘡

慢驚灸法

附蠱毒桃生毒卍端

總說七則

或問二十一則

治驗二十九則

方法四十九條

宜忌十七條

瘡瘍經驗全書卷之六

宋燕山竇滢卿輯著

天都洪瞻巖  
桐川陳友恭  
全校

世傳秘方

一人遍身忽然肉出如錐痒痛不能飲食名血擁用赤皮葱燒灰水淋汁洗肉服淡豈豉湯數盞而愈

一人眼前常見禽蟲飛去捉之即無此竇膽經為病用酸棗仁羌活玄明粉青箱子各一兩為末每用水煎二錢和滓日三服

一人眼珠垂下至鼻大便出血名肝脹用羌活水煎數服即愈

一人腹中有物作聲隨人語言名應聲蟲服雷丸而愈

一人飲油五升方快意此乃髮入胃血裹化為蟲也用雄黃五錢水



調服

一人臥於床四肢不能動只進得食好大言說喫物謂之失說物望病如說某肉卽以其與看不與食之失他物望也睡中流出饞唾卽愈

一人遍身皮底渾如波浪聲痒不可忍抓之血出不能止名氣奔用人參苦杜青鹽細辛各一兩水二碗煎十數沸飲盡便愈

一人眼內白睛俱黑見物依舊毛髮直如鐵條不語如醉名血漬用五靈脂末二錢酒調下愈

一人忽然氣上喘不能語口中涎流吐逆牙齒搖動氣出轉大卽闕絕名曰傷寒併熱霍亂用大黃人參各五錢水三鍾煎八分服  
一人手足甲忽然長倒生肉刺如錐食葵菜而愈

一人脇破腸出臭穢急以香油抹腸送入卽不出又以人參枸杞子煎湯淋之皮自合喫猪腎粥十日愈

一人口鼻中氣出盤旋不散凝似黑蓋過十日漸漸至肩與肉相連  
堅勝鐵石無由飲食多因瘧後得之用澤蘭水煎日飲三盞五日愈

一人頭面發熱有光色他人手近如火炙用蒜汁半兩酒調下吐物如蛇悉安

一人渾身生泡如甘棠梨破則出水內有石一塊如指甲大其泡復生抽盡肌肉不可治矣急用三稜莪朮各五兩爲末分三服酒調下

一人夜有醉者誤吞水蛭腹痛黃瘦不進飲食用小死魚三四箇猪

脂煎溶攪勻入巴豆十粒研爛和甲中乾泥丸如菉豆大以田中

冷水吞下一丸泄下為度

一人小便出屎大便出尿名交腸用舊鞋頭燒灰酒下五分愈

一人玉莖硬不痿精流無歇時如針刺捏之則脆乃為腎滿漏疾用

韭子破故紙一兩為末每三錢水煎日三服即止

一人身及頭面肉腫如蛇狀用兩濕磚上青苔一錢水調塗立効

一人大腸內蟲出不斷斷之復生行坐不得鶴虱末水調服五錢自

愈

一小兒初生如魚胞又如水晶碎則水流用蜜陀僧羅極細末搽之

一小兒初生遍身無皮俱是赤肉掘土抗卧一宿即生皮又方用白

早米粉乾撲上候生皮乃止

一人寒熱不止四肢如石擊之如鍾磬聲日漸消瘦用茱萸木香等分水煎服即愈

一人大腸頭出寸餘候乾自退落又出名截腸病用苧蔴油器盛坐之飲大麻子汁數升而愈

一人鼻腥臭流水以碗盛而視之有鐵色蝦魚如米大走躍捉之即化為水此肉壞矣一日食雞肉二次一月而愈

一人四肢即脫但有皮連不能舉動名曰筋解用黃蘆酒浸一宿焙為末酒下二錢多服方安

一人腹中如鐵石臍中水出旋變作蟲行之狀連身匝豕痒痛難忍扒掃不盡濃煎蒼朮湯浴之以蒼朮加麝香水調服之

一人眉毛搖動目不能視喚之不應但能飲食用蒜三兩取汁酒調

下即愈

一人毛竅筋次血出少間不出即皮脹如鼓 口鼻眼目俱脹合名曰

脉溢用生姜汁並水各一二盞服安

一人患蛇瘕乃蛇精及液沾菜上人悞食之 腹內成蛇或食蛇亦有

此症其人常飢食之即吐用赤頭蜈蚣一條炙末分二服酒下

一人患蛟龍瘕用寒水石飯三升每食五合 日三服吐出蛟龍愈

蠶瘕痛有來止或食蠶即痛用雞屎一升炒 黃投酒中浸一宿焙為

末仍用元浸酒調下

雞瘕有病冷痰者醫曰因食白瀹雞過多故 也用蒜一枚煮服乃吐

一物如升大痰裹開視之乃雞雛也再服 吐十三雛而愈

一人屍奄然死去腹中氣走如雷用硫黃一 兩煇消五錢細研分三

服好酒前覺烟起則止溫灌之并時再服而安

諸瘡如蛇出數寸用硫黃末塗即消

人眼中視物倒植用梨蘆瓜蒂爲粗末水煎服得吐而愈

婦產後有胞傷破不能小便常漏濕不乾用生絲織一尺剪碎白

牡丹根皮白芨各一錢水二碗煎至絹爛如餒空心頓服不得作

聲作聲即不効

婦產後水道中出肉線一條長三四尺動之則痛欲絕先服失笑

散次以帶皮姜三斤研爛入清油二斤煎油乾爲度用軟絹兜起

肉線屈曲於水道邊以前姜熏之冷則慰之一日夜宿其大半二

日即盡再服失笑散芎歸湯調理之如肉線斷不可治矣

婦產後兩乳忽然細小下垂過小腹痛甚名乳懸用芎歸各一觔

內用半觔水煎服餘用燒烟薰鼻口二料乃効

一婦見滿壁皆蓮花此癩疾也服蒙石滾癩丸

一人患心疾見物如獅子伊川教以手直前捕之見其無物久久自

愈繼服牛黃清心丸

一人患腫毒潰後不時出一細骨用生桐油調蜜陀僧如膏黏攤貼

妙此亦內熱骨乃所化之物也謂之名腐骨

一人炙火至五壯血出一縷急如瀉手冷欲絕以酒炒黃芩二錢爲

末酒下則止

一人頭皮內時有咀出以刀破皮用絲瓜葉搗汁搽之咀出盡絕根

一人淵疽之發於肋下久則一竅有聲如嬰兒啼灸陽陵泉二七聲

卽止而愈

一人患頭風症耳內常鳴頭上耳內有鳥雀啾啾之聲此頭腦挾風所爲也用芎歸而愈

一婦產子舌出不能收以硃砂付其舌乃令作產兒狀以二女扶之壁外漸推盤益益令墮地聲響使婦聞而驚舌則收安矣

一婦忽生蟲一對於地能行長寸餘自後月生一對醫以苦參加打蟲藥爲丸服之又生一對埋於土中過數日發而視之暴大如拳名子母蟲從此絕根

一婦眼中忽有血如射而出或綠鼻流下但出血多時卽經不行乃陰虛相火之病遂用歸身尾生地酒芍加柴胡黃柏知母條芩側柏葉木通桃仁紅花水煎食前服數劑而愈

一婦產後食茶粥每日二十餘碗一月後遍身水冷數塊人以手指



按其冷處即冷從指下上應至心如是者二年諸治不効以八物湯去地黃加橘紅入薑汁竹瀝一酒鍾十服乃可

一婦三陰交無故血出如射將絕以指按其竅縛以布條昏倒不知人事以參一兩煎湯灌愈

一婦產戶下一物如帕有尖約重一斤却喜血不盡虛急與黃芪白朮升麻各五分參歸各一錢水煎服三劑而愈

一人被鬼擊身有青痕作痛以金銀花煎服

一人每至秋冬遍身發紅點作痒此寒氣收斂腠理陽氣不得發越拂鬱內作也宜以人參敗毒散解表再以補中益氣湯實表而愈

一人因剝死牛膏悶令看遍身俱紫泡急刺泡處良久遂甦更以敗

毒藥而愈多服紫金錠

蛇入人竅中急以手捻定以刀刮破尾用椒或辛辣物置尾以線繫之卽自出不可按

一小兒七歲聞雷則昏倒不知人事以人參歸身麥冬少入五味盡一斤後聞雷自若

一人但飲食若別有一咽喉斜過膈下絕達左脇而作痞悶以手按之則瀝瀝有聲以控涎丹十粒服之少時痞處熱作一聲轉瀉下痰飲二升垂飲食正下而達得矣

一人胸背皆駝頸漸短問其故因食旱鱉所致患上用紫蘇煎湯洗淨次用龜尿捺之取尿法以龜置器中用鏡照之則尿出矣

人心口痛葱白三根搗爛面粉三錢和勻熱酒調下立効

一人頸項腫與頭相統按之堅硬漏蘆湯一劑服下發頃刻消散

一人田間收稻忽然遍身痒入骨髓用食鹽九錢泡湯三碗每進一碗探而吐之三進三探則不痒矣

一少年王莖挺長腫而痠皮場常潤磨股難行兩脇氣冲上手足倦弱先以小柴湯加黃連大劑行其濕熱少加黃柏降其逆上之氣腫漸散莖中礮塊未消以青皮爲君佐以散風之藥服之外以絲瓜汁調五倍子末付愈

一病人似喘不喘似嘔不嘔似穢不穢徹心中憤憤然無奈用生薑半夏湯主之半夏片半斤生薑汁一升水三升先煎半夏夏至三升後入薑汁共煎一升半待溫分四服日三夜一病止停服

一人暑月行百里渴而飲山水至晚以單蓆陰地上少睡頃間寒熱吐瀉身如刀刮而痛醫皆曰中暑進黃連香薷飲不應尋診其脈

細緊而伏此中寒也衆皆咲曰六月中寒有是事乎予以附子理中湯服而効

冬天傷暑 一婦冬月洒洒惡寒俞翁發熱惡食乾嘔大便欲去不去諸醫以虛弱用滌痰二陳湯不効予治脉虛無力類乎傷暑衆不然深究之婦曰昨因天寒取綿套蓋之得此一症誠哉傷暑也但綿套盛暑晒之熱收箱中必有暑氣今體虛得之易入故如是婦曰然遂用黃連香薷進二服卽安噫冬天傷暑夏月中寒病亦少見問切之功不可不知也

一盤腸產者臨產先腸出而後產子既產之後其腸不收以醋半盞冷水七分調勻噴婦面三噴則腸收盡此良法也

一產後腹痛煩滿不得卧用枳實略燒黑芍藥等分爲末麥冬下一

錢許

一婦人腹中諸病 用當歸一兩半芍藥八兩澤瀉川芎各四兩白  
木茯苓各四兩爲末酒下一錢

一產婦因子死經斷不行者半年一日小腹忽痛陰戶內有物如石  
硬塞之而痛不禁衆醫不識青林曰此石瘕病也用四物加桃仁  
大黃三稜枳榔胡索附子澤瀉血竭二劑而愈

一小兒遍身痒甚以生姜搗爛布包擦之而止

一人在山亭裸體而卧其陽被飛絲纏繞腫痛欲斷以威靈仙煎湯  
浸洗而愈

胃寒腸熱水穀不化腹脹痞滿洩痢不止用川烏頭去尖半兩山梔  
仁乾生姜各二錢半姜汁糊丸酒送下日進三服

胃熱腸寒者食而肌便溺小腹脹痛大便澀青皮三稜蓬朮黃連各  
一兩巴豆霜二錢半麪糊丸如菘荳大或茶或酒隨下三五丸  
疝氣牽引小腹痛

茯苓炒 附子炮

梔子一兩每三錢水煎服

口瘡不已各赴筵散

黃柏 青黛 蜜陀僧 各等分爲末乾慘

失音不言

訶子四枚生熟桔梗一兩生炙甘草一寸生炙俱各半

每二錢童便水各一盞煎五七沸甚者不過三服

神應散春夏脚指又濕爛

枯礬六錢 飛丹五分爲末摻之

一少年新婚欲交媾女子阻之乃逆其意遂陰痿不舉五七日以柔  
筆燒灰酒下二錢卽起

小便頻數一日夜百餘次此腠氣不足服縮泉丸

益智仁烏藥大如臂者等分爲末酒煮山藥打糊爲丸如桐子大  
卧時用鹽酒送下七十丸

一女子十六歲四腕軟皮處生惡物如黃豆大半在肉內紅紫色痛  
甚諸藥不効一方上將水銀四兩白紙二張揉熟蘸水銀三日自  
落而愈

牙疼 新掘李樹根取白皮搗細濃浸時時含之絕根

臨外軍身虱出約至五升隨至血肉俱壞每宿漸多痛痒不可言狀  
雖喫水卧牀晝夜號哭舌尖出血不止身齒俱黑唇動鼻開但飲

鹽醋湯數次安

小兒刮腸痢眼閉口合名曰噤口痢用精猪肉一兩薄切片慢火炙以膩粉末五分旋舖肉上炙令成脯如不喫放鼻頭聞香自然要喫

又方臘肉脯煨熟食之大人亦可服

一婦開甑爲熱氣所冲面目腫而經閉

一用炊飯布經久者燒灰隨付隨消

一人患癆二年一日無肉味腹痛不可忍恐傳染置空室待白終三日無肉或惠雞子病人自煎食將熟鼻中碍忽打噴嚏有綠綠二尺自鼻出銚遂以碗蓋之煎熟視乃癆蟲也

一人自幼好酒片時無酒呼叫不絕全不進食日漸羸弱或執其手



縛桂上將酒與看而不與飲卽吐一物如猪肝入酒內其人遂安  
鼓脹且食不能暮食痞滿名雞屎體飲

大黃桃仁雞屎要乾者等分每一錢水一鍾薑三片煎湯調下愈  
后臨臥服

又方用猪血不着鹽水待白凝礮瀝去水晒乾爲末酒下洩之妙  
一小兒卒死而吐痢不知是何病

狗屎丸絞汁灌之無濕者水煎乾屎取汁亦可

狐惑証下唇有瘡曰狐乃蟲食其肛黃芩煎湯洗之上唇有瘡曰惑  
乃蟲食其臟因腹內熱腸胃虛蟲出求食用瀉心湯大黃二兩芩  
連二兩水煎服

小兒胎受熱毒生下兩目不開

燒心黃連秦皮木賊各五錢水一盞煎澄清頻洗之

室女近宮做女工忽患頭疼其諸藥不効一醫徐察之窗外畜鴿  
知為鴿虱飛入耳內咬而痛也以稻桿煎濃汁灌之虱死而出遂  
不痛

一 是民逃難石室中以烟攻之偶得葡萄食之而甦又法以口呵地  
郎不死

積 鱖魚一枚四兩重去腸以亂髮填滿濕紙裹燒存性入雄黃  
生麻油調付 先用藥湯洗郎 辣梨

小兒初生身破裂者必死陰不起者必死股間無肉死無糞門者必  
死一云必假物以開之近有女之陰亦不開者夫以小刀開之

收蠅法 每年除夜左手拽起前裾右手執三尺長棍向門榻上敲

三下念咒云蝎云蝎螫螫不向梁上走却來這里螫一敲敲八  
節呢畢吸氣一口吹入於杖頭復吸其氣吹於執杖手心如此三  
次卽已遇有蝎蜚以手摩之卽不痛可用一年次年除夜必如法  
爲之否不驗也

一老婦喉心中咬痛得食則止心思蚕燥之物偶夏天猫繞脚而叫  
此婦素性愛猫取鹿脯嚼之喉中忽有一物出急取之墮地頭足  
皆有五寸長許乃飢蟲也

一人背發一塊心神元元四肢倦怠飲食不進一醫曰此虱瘡也剖  
開果虱合許甘草湯洗淨拭莖將多年油木梳煨灰爲末菜油調  
搽立愈

眼赤鼻張大喘渾身出班毛髮如銅錢乃目中執毒氣結於下焦甲

白礬滑石各一兩爲末一作一服水三碗煎至半冷不佳飲盡乃安  
一人有蟲如蟹走於皮下作聲如小兒啼爲筋肉之化雷丸雄黃各一兩爲末摻在猪肉片上炙喫盡乃安

一人髮上水珠如汗滴不止用甘草一片煎湯三四碗作三四服其水卽止此証自幼間服藥過多故也

一人鼻中毛出晝夜可長一二尺漸漸粗圓如繩痛不可忍雖痛一滴一莖卽後復生此因食猪羊血過多用乳香礪砂各一兩爲末飯丸空心臨卧下十九卽落

一人自覺自形作兩人並卧不別真假不語問亦無對乃自離魂用辰砂人參茯神濃煎湯飲之真者氣爽假者化也

一婦六十餘歲得飢疾每作時如蟲吃心得食方解如是三四年來

夏熱納涼有一貓甚愛適貓遠叫取鹿脯自嚼啖貓至於再嚼覺一物上觸喉間亂手探得之如母指大墜地以火照之其物頭尖而匾類揚沙魚形身如蝦蟆腹有八子其病卽愈

一人穿斷舌心出血不止以米醋用雞翎刷所斷處其血卽止仍用真蒲黃杏仁去皮尖礪砂少許爲末煉蜜調搽或嚼化乃安

一人身上及頭面肉上浮腫如蛇狀用雨滴堦磚上苔痕水化開塗蛇頭立消

一人被蜘蛛咬腹大如孕婦有遊僧見之教飲羊乳一日而平妖魅變化爲貓爲鬼爲鬼病人爲其所惑不肯言鬼然如痴用鹿角屑搗表用水調服頃間卽實言爲鬼所憑也

一人食芹菜忽患腹脹不痛醫曰蛟龍子多生芹上用饒糖粳米各

仁乳餅煮粥食之三升日三服吐下蛟龍子有兩頭者

明太宗皇帝好食生芹日久腹痛名太醫盛御醫治之盛詢知好食  
芹菜乃製田中泥土爲丸服之二次明早利下蟲無數皆小螞蝗  
小沙搭子耳其痛卽愈

隆慶二年十一月友人吳愛樓喉間忽生一塊形色如田螺頗堅硬  
一月餘爛開寸許氣甚腥臭至十二月邀麟診視之莫測其爲何  
症不敢輕答坐良久細思之問其家眷平日曾患楊梅瘡否對曰  
不曾患此瘡止一日忽見孩兒頭面皆生楊梅瘡問曰此兒誰家  
子也對曰病人之長兒也遂原其由愛樓得子甚晚頗鍾愛晚以  
頭枕父臂子口對父之口其毒氣薰蒸於肺故喉之下肺之上爛  
一大孔急以鮮蜂大者以刀抉開取其水以絹濾淨一日五六次

灌之吐出臭涎盈斗將

水片 孩兒茶

雞內金

礪砂 牡礪 大紅絨灰

青錠 人中白

杏仁灰 等分

末之極細吹入患處一日七八次外服人參

桔梗 甘草

玄參 黃芪 天花粉

鼠粘子

生地 芍藥

當歸 金銀花 小柴胡

冷飯糰

麥冬

右剉水煎服三月而愈

一少婦產兒後忽王戶中垂尺許如白腸之狀少不知事私以手摘

斷至晚腹痛號泣而絕此腸即生腸又曰胞戶子宮切不可損損

則傷生益氣血衰敗未能收 入宜多進活血之劑三二日間自然

收八不足憂恐也予治四三人皆以此藥之力

一友人春月將熟羊肉熟猪肉 露放月臺之上明日治以燕客凡二

十餘人皆嘔吐不安唯二三人不吐嘔蓋食肉少而酒多也一老醫云此蓋夜露之毒也如秋夜之氣清露亦不毒今人以酒麪潰之良妙以甘草煎湯飲之卽愈

隆慶三年己巳正月二十七日鹽商胡小溪家人媳婦年方二十三歲懷胎九月矣一日食魚魚骨梗喉間至半日嘔吐繼之以血碗許魚骨尚在喉中忽吐出一條約有二寸餘形如小腸濶五分內有所食魚菜粉皮飯未化家人爲推入口中尚餘五寸其夫復納入之遂昏倦自此嘔吐不止湯亦不能進延予治之遂將生炭火一盆放病榻前以好醋一碗沃之使醋氣盈滿其室清有神也進以牛黃清心丸腹覺有微疼再用人參養胃湯倍加

人參一分

紅花

牡丹皮

當歸

川芎

白芍



生地 阿膠 煎服五六貼病全愈矣

嗟夫此婦所吐之腸有類於腸耳若腸出而斷頃刻立斃豈有得生之理此吐出者肺之系也因嘔吐太甚被氣冲逆而斷其連肺之一頭隨吐而出今既納入復吐不已氣不平耳今用酷蕩以清其神牛黃丸以清其心煎劑以補益其氣血故旬日之間安妥如常此亦原其病而藥之耳豈肯效好利之人乘其危而邀名索物者同日而語哉醫者意也全在活法書此以爲勸世

耳中出血不止 龍骨末付之

救凍死以熱灰熨心冷卽易之口開氣出以粥湯溫補

凡中惡中忤忽然眼見鬼物惡氣驀然倒地四肢厥冷兩手握拳口鼻出清血此與尸厥同勿移動卽令人圍繕燒火及安息香射香

蘇木桃頭之類待省方可移歸

舌上出血如簪孔 赤小豆杵碎一升水三碗和攪取汁每服一盞

不拘時服 槐花末摻上亦妙名曰血痢

婦人生產傷動尿胞破終日不能小便但漏濕耳

黃絲絹一片生者剪碎 白牡丹根 皮子葉者為末用無不効 白芨末 一錢水二

鍾煮絹爛如泥空心服服時勿作聲作聲不効慎之

中惡客忤睡死射香一錢研和醋灌一合入腹即甦

一人患癰口出微膿如蟹吐沫此肉潰透膜也瘡腸透膜十無一生

須大補亦不活也

琥珀萬安丸 治男婦酒食蟲

檳榔四兩 白牽牛末 黑牽牛末各二兩 雷丸 大黃

知母一兩 貫眾一兩 沉香 木香略 蕪荑一兩

右為末每用四錢五更先嚼生薑一塊次用隔宿糖湯露一夕次  
早調藥服取下黃赤黑白蟲積病根直至日脯喫白粥補之先服  
生薑免至惡心此方亦可水丸服四錢重

雄射散 治五種蟲毒

雄黃末 麝香另研各一字

用生羊肺一指大以刀切開用藥在內肺裏吞下

國老飲 治蟲症

白凡末甘草各等分 右為細末每服二錢食遠水調下或吐黑涎

或瀉皆効若平生預服防蟲者宜以甘草熟炙煮服即內消不令

吐神驗

保嬰丹 治諸蟲毒一切藥毒 神效

硃砂另研一兩

大山豆根 五錢

雄黃

黃丹

射香

黃藥子

續隨子 生研

巴豆不去油

玃貓 去翅足二錢半

糯米半生半炒

赤蜈蚣 二條 炙一生

右各修製入乳鉢研和於端午重陽臘日修合勿令雞犬婦人見

用糯米糊丸如龍眼核大陰乾瓷盒收每服一丸茶清吞下不得

嚼破須臾病人自覺心頭如洩斷度條聲將次毒物下或自口出

或自大便出嫩則是血老則成鱉或蛻蝦等狀藥丸凝血並下如

口噤搗開下藥或蛇蝎諸毒以醋磨傳患處恣酒肉毒物一月惟

軟飲飯可也

薺芫湯

解諸藥毒

薺芫能亂人參卽此薺芫也

卷之六

蓄鹿 黑豆 甘草各等分

右咬咀每服七錢水二盞煎八分去渣溫服

奇方 治一切毒

白扁豆晒乾為末每服二三錢新汲水調頓服得利則安

一方 解砒霜毒

白扁豆 青黛 甘草 各等分 巴豆 搗去殼用半斤

右為細末每服一錢以砂糖一大塊水一鍾化開調藥飲之毒隨

利後宜進五苓散益元散

又方 解砒霜毒以早禾稈燒灰新汲水淋汁絹袋濾過冷服一碗

毒從下利即安

又方 藍飲子 解砒毒及巴豆毒用藍根砂糖三味相和研水服

之或入薄荷汁尤妙

解巴豆毒 寒水石磨水服黃連煮汁服菖蒲生者搗取汁服

中巴豆毒 其証口謁臉赤五心煩熱利不止用芭蕉根葉搗

解草烏毒 訝曰

草烏之毒最粗凶 甘草濃煎服有功

米醋砂糖皆可用 白凡水點亦能攻

解天雄附子烏頭毒 防風棗肉濃煎服

解一切菌毒 掘一地窟取黃土以新汲水於內攪之澄清少取水

飲之名地漿

解河豚毒 一時困怠急以桐油多灌之使毒物盡吐出為愈或以

白凡為末調湯服中河豚毒能殺人服此藥毒自消

解鮮鱉蝦蟆毒

生豆豉一大合新汲水一碗煮豆豉濃汁頓服効

解食牛馬肉中毒

大甘草四兩以無灰酒研服盡病人量飲之須

臾吐大瀉如渴不可飲水飲之必死

肘后方

服雄黃中毒

防已汁解之

金櫃王函

治誤飲饌中毒者未審中何毒卒急無藥可解只煎甘

草薺芎湯服之入口便活

聖惠方

治中鳩毒氣欲絕者用葛根三合水三盞調飲之如口噤

者以物揭開灌之鳩食半夏苗故有毒

肘后方

治食魚中毒濃煮橘皮飲汁

梅師方

治食馬肝有毒殺人者以雄鼠屎三七枚和水研飲服之

雄者兩頭尖

梅師方

蜀椒閉口者有毒誤食之便氣欲絕或下白沫身體冷急用井水三二碗飲之立解椒毒

或煎濃豉汁服之

聖惠方

治食蟹中毒以生藕汁或煮乾蒜汁或冬瓜汁或紫蘇湯

並佳

葛氏方

食自死六畜肉中毒黃蘗末服方寸七未解再服之

外臺秘要

服藥過劑及中毒煩悶欲死燒犀角末水服方寸七

肘後方

服藥過劑及中毒煩悶欲死刮東壁土以水三升調服之

輟耕錄

治食河死者一日內不可服湯藥恐內有荆芥與此物大

相反亦惡烏頭附子之屬世傳此此毒者乃亟飲糞清乃解否則

必死又聞不必用此物以龍腦浸水服之能解或椒欖者可解後



得一方用槐花炒過與乾胭脂各等分同搗爲末用菴豆粉水調  
灌入妙如無新橄攬以其核多磨汁服之良愈

一方 治中諸毒卒惡熱黃悶欲死者以人屎者最効須與水和服  
其乾者燒烟絕水漬飲汁名破棺湯

破棺散 治魘寐卒死及爲墻壁竹木所壓水溺金瘡卒致悶絕  
婦惡血冲心諸暴絕証

半夏湯泡七次去滑爲末吹入鼻中 或以皂角末吹入亦可

凡魘者不可用燈照亦不得近前急換但痛咬其足跟並大拇指甲  
邊或以皂角末吹鼻

硃砂散 治中惡中忤鬼氣其証或暮夜登廁或出郊野或遊空室  
冷屋或人所不至之地忽然見鬼物物口鼻吸着惡氣驚

四肢厥冷兩手握拳鼻口出清血此証與尸厥同見此切勿移動  
卽令親人圍繞燒灸或燒射香安息香蘇木桂木之類直候記省  
方可移歸

犀角

研末

生射香

硃砂各一錢

右爲末每服二錢新汲水調灌之

又方 雄黃爲細末每服一錢桃葉煎湯調灌下

又方 治人恍惚見鬼發狂平胃散加辰砂末棗湯下

又方 治客忤中惡多於道路在外處得之令人心疔痛滿氣氣冲

心脘不急治殺人好京墨爲末每服二錢沸湯調服或瓦器盛湯  
用衣襯貼於肚上熨之湯冷則換

灸法 救斃死及一切卒死及諸暴絕証用藥或不効急於人中穴

及兩脚兩大拇指離甲一韭葉許名炙三壯五壯卽活

又方 炙臍中百壯亦効

炙大胞匾腎以艾壯於在大拇指甲並半在肉炙七壯七日避風勿洗足戒房勞卽効

小腸病氣以陽物扯長對中毛際再運左右兩邊以物往處黑點記之小艾壯炙七卽愈

又烏絨樹莢肉子微炒爲末早辰空心好酒調下三錢

小兒雜症

小兒初生休與乳取甘草一指節長火上炙脆以水三合煮一合綿醮兒口中可蜆殼上兒當快吐腦中惡汁後待兒飢渴更與兩服不吐盡一合止得吐惡汁後兒智慧無病

新生日開腸胃研粳米濃作飲如乳與兒服

兒初生時以稽胆汁傾湯內浴兒永無瘡疥之疾月內用之

生下不飲乳及小便不通乳汁二合葱白一寸分四破銀石器內煎

一合灌立愈

生下舌下有膜如榴子連於舌根令兒語言不發可摘斷微有血如

血不止燒髮灰摻之又用白凡灰釜底墨酒調用此瘡名七疔瘡或以細針撥之

驚哭有淚鼻疔腹痛用蘇合香丸酒服

小兒睡中泄尿不自覺以桂木雄雞肝等分為末日進三服

下小便鹽安臍中熨之 尿血甘草煎服之

凍瘡取金毛狗脊上毛貼之

頭面痘痂剝去膿血出以真麻油潤之免成癍痕酥亦可

痘班瘡心燥卧眼不安升麻煎汁綿蘸拭乾

諸骨入肉不出者煮白梅肉爛研象牙末厚付骨刺自出

稻芒入喉中取鵝涎灌之立出

釣魚針勾入喉中難出先用木針撐口次以糯米珠如算盤珠樣穿線中扯直即出

尿床以羊肚盛水令滿繫兩頭煮熟開取水頓服

小兒月內糞門上忽有瘡孔此乃秤勾瘡也深難瘡者急用白褐燒

灰摻之

又方

紅絨灰二錢

珍珠五分

輕粉五分

孩兒茶二錢

血竭一錢

乳香一錢

右各爲末乾摻

慢驚灸法

以膏一七塗在百會穴用艾圓如半粒黃豆大者灸五壯爲度五壯之內不拘次第嬰兒哭聲如平時無異者生其聲嘶不響亮者死累試累驗百會穴在頭頂心旋毛中是穴乃嬰兒月內雖無驚病依法灸之能免一世之驚况泄瀉之亦妙

附錄蟲毒桃生毒四端

福建諸州大抵皆有蟲毒而福之古田長溪爲最其種有四一曰地蟲二曰金蠶蟲三曰蜈蚣蟲四曰蝦蟆蟲皆能變化隱見不常皆有雌雄其交合皆有定日近者數月遠者一年至期主家備禮迎降設盆水於前雌雄遂入於水中交則毒浮其上乃以針眼刺取必於是日毒一人蓋陰陽化生之氣納諸入腹而托以乃青越宿

則不能生故當日客至不暇恤宗親朋舊必施之凡飲食藥餌皆可入獨不置執爨中遇熱則消爛或無外人至則推本家一人承之毒初入腹若無所覺積久則蟲生藉入血氣以活益久則滋生長乃食五臟曉夕痛楚不可忍惟啜百沸湯可暫息須臾甚則叫呼宛轉爬刮床蓆臨絕之日眼耳鼻口漏出蟲數百形狀如一漬於水暴乾久而得水復活死者之屍雖火化而心肺獨存殆若蜂窠淳熙中畜蟲之人事泄呈之官檢其家得銀珂頌子五色線杯毬及小木棋子兩面書五逆五順四字盛以七孔合又針兩包各五十枚而十一無眼及大蜈蚣一條率非尋常人家所用鞠託其人乃云所謂順逆棋子者降蟲之時所用以下也得順者客當之逆者家當之針之無眼者以眼盛藥既用則去之蓋所殺十一人

矣五色線凡蟲喜食綿綿不可得乃以此代其銀珂領者欲嫁蠱  
移諸他處寘道旁冀見者取之也凡中蟲毒無論年代遠近但煮  
一爲卵插銀釵於內併含之約一食頃取視釵卵俱黑卽中其毒  
也其方五倍子二兩硫黃末一錢甘草三寸一半炮出火毒一半  
生丁香木香射香各等分輕粉三分糯米二十粒共八味入小沙  
瓶內水十分煎取其七候藥面生皴皮用熟絹濾去渣通口服痛  
人平正仰臥令頭高覺腹間有物衝心者三卽不時動若吐出以  
桶盛之如魚鱗之類乃是惡物吐罷飲茶一盞瀉亦無効旋煮白  
粥補忌生冷油膩酢醬十日後服解毒丸三兩又經旬日復可得平  
有一顯官與泉州高僧西遊道由峽程其村舍皆能畜毒若就食必  
遭其毒無可奈何僧曰吾有神咒可無憂也食至僧閉目持誦俄



見小蜘蛛延緣盜吻僧曰速殺之於是竟食無所損其咒曰姑蘇  
 啄磨耶啄吾知蠱毒生四角父是穹窿窮母是舍耶女眷屬百千  
 萬吾今悉知汝磨訶是時同行者競傳之所至皆無恙更傳解毒  
 方用荳豉七粒芭荳去皮兩粒入百草霜一處研細滴水研如漿  
 荳大以茅香湯送下七丸 又方 治金蠶毒纒覺中毒先含白  
 礬味甘而不澁須嚼黑豆而不腥者是也急取石榴根皮煎汁飲  
 之即吐出活蟲無不立愈又以白礬芽茶搗為末冷水調服一一  
 切毒皆可治

昔一人肋下忽腫起如生癰癩狀黃間大如盃識者云此桃生毒也  
 候三更以菜豆嚼試若香甜即是已果然速搗川升麻為細末以  
 冷熱水調二錢速服之遂瀉下真生葱數莖根鬚皆具其腫即消

續煎平胃散調補且食白粥經旬始復常

有一書生中雞肉桃生使商人善醫與藥服之頃吐積肉一塊剖聞  
筋膜中有生肉存已成鷄形頭尾嘴翅悉肖似凡食魚瓜菓皆能  
用桃毒初中時覺胞腹稍痛明日漸加攪刺滿十日則內物能動  
騰上則胸痛沉下則腹痛積以瘦悴此其候也在上隔則取之其  
法用熟茶一甌投膽礬半錢於中俟礬化盡通口哩服良久以雞  
翎探喉中卽吐出毒物在下隔則瀉之以米飲下鬱金末二錢毒  
卽瀉下乃碾人參白朮末各半兩同無灰酒半斤納瓶內慢火熬  
半日許度酒熟取出溫服之每日一杯五日乃止然後飲食如常  
此蟲毒桃生毒世人乃極難治者予偶閱古書中得之專附錄於  
後以備參考焉

癩瘡秘錄總說

癩瘡一症古未言及究其根源始於午會之未起自嶺南之地至使蔓延通國流禍甚廣今當未會之初人稟浸薄夫厲時行交媾閨精氣相傳染一感其毒酷烈匪常人髓淪肌流經走絡或中於陰或中於陽或伏於內或見於外或攻臟腑或巡孔竅有始終只在一經者有越經而傳者有問經而傳者有毒伏本經者形症多端而治法各異卽如

毒中腎經始生下疳繼而骨痛瘡標耳內陰囊頭頂背脊形如爛柿名曰陽癩瘡甚則毒傷陰陽二竅傳於心發大瘡上下左右相對掣痛連心移於肝眉髮脫落眼昏多淚或癩爪甲毒伏本經作偏正頭痛甚則目盲耳閉或生嗣不壽久則毒發囊穿

毒中肝經先發便毒嗣作筋疼瘡標耳項脇肋形如砂仁俗以砂仁  
瘡名之甚則筋痿不起傳於脾四肢發塊痛楚或蛙爛腿臙移於  
心生瘡如疔痛痒交作毒伏本經大筋微疼久則毒發頸項兩膝  
毒中脾經瘡標髮際口吻或堆肛門形如鼓釘俗以廣疔名之甚則  
毒伏臙內傳於腎骨痛髓烈發塊百會委中涌泉等穴移於肺肌  
膚生癩如花色紅紫褪過卽成白癩毒伏本經發斑如丹久則毒  
結腸胃

毒中肺經瘡標腋下胸膛面頰形如花朶俗以棉花瘡名之甚則毒  
聚咽噎傳於肝作筋疼遇月郭空或天陰申酉時分作疼移於腎  
作腎臙風痛痒交作毒伏本經生赤白癩久則毒結膺臙臂膊  
毒中心經瘡標肩臂兩手紫黑酷似梅瘡俗以楊梅瘡名之甚則毒

攻眸子傳於肺發喉癰漸蝕鼻梁多作痰唾移於脾生我掌風癰  
手足起指不隨毒伏本經十指流痛久則毒攻舌本或結毒小腸  
是症也不獨交媾相傳稟薄之人或入市登園或與患者接談偶中  
毒氣不拘老幼或卽病或不卽病而慘痛週身或不作痛而傳於  
內室或內室無恙而移患於子女甥孫者故借述受病根源施治  
本末方法啟前人未法之秘病有經絡毒有澄深藥有緩急察脉  
審症應攻應補毫不可紊毒未傳變一臟見症者半月愈三臟見  
症者一月愈五臟俱受病者五十日全愈此皆獨得之法已經甲  
証海內名公妙在易生易褪疔不紫黑身無痛苦交媾不染生嗣  
無恙不伐胃氣元神誠千古不易王道之聖藥也設或妄施汗下  
煎擦薰洗等藥徒速一時効驗殊不知毒伏於內成賊臟腑釀成

已上諸症以致投藥周効余能刻日收功又能拔去輕粉之毒使  
終身無患非若粗工之不經者此症直可自任故爲是說以公之  
癩瘡或問

或問曰癩瘡爲患何自而昉乎余曰嶺南之地卑濕而暖霜雪不加  
蛇蟲不蟄諸凡汗穢蓄積於地遇一陽來復濕毒與瘴氣相蒸物  
感之則癩爛易毀人感之則瘡瘍易侵更逢客火交煎重虛之人  
卽冒此疾故始謂之陽癩瘡云以致蔓延傳染所以娼家有頭過  
之說皆由氣運所始因漸而致也

或問癩瘡爲氣運所使有云廣瘡何也余曰廣瘡者與痘相類痘瘡  
古所無有始生於北其氣自北而南漢時謂之胡痘由先天之所  
中無謂男女貴賤遇歲火流行鼓腹而發者癩瘡者古亦無有始

起於南其氣自南而北今時謂之廣瘡由後天之所感不問老幼  
 愚智元稟虛怯者觸穢而染胡痘以地命名孰非氣運之所使乎  
 或問此症有謂楊梅瘡有謂棉花瘡有謂砂仁瘡名狀不一者何也  
 余曰毒之相感者一氣也臟之見症者各異也如痘瘡有紅斑者  
 癰如痘如麻如蠶子如土蚨如菜莢如葡萄或移毒眼目肘膝形  
 症多端大約似昔者多半故名曰痘瘡如徽瘡有赤遊紫癰如瘋  
 如疹如砂仁如棉花如鼓釘如爛柿如楊梅或結毒破爛孔竅名  
 狀不一大約似楊梅者多半故名曰梅瘡痘瘡梅瘡皆以形命名  
 所以不一也

或問其瘡傳染不已何也余曰昔人染此症親戚不同居飲食不同  
 器置身靜室以俟愈故傳染亦少邇來世薄人妄沉匿花柳者眾

忽於避忌一犯有毒之妓淫火交熾真元弱者毒氣乘虛而襲初不知覺或傳於妻妾或傳於妓童上世鮮有醫書可正故有傳染不已之患

或問老幼之人不近妓女突染此瘡竟有結毒者何也余曰不獨交媾闖精或中患者毒氣薰蒸而成或祖父遺毒相傳此又非形接之比也

或問有人與患者同寢共食不傳染者何也余曰此由先天之氣充固邪氣無間而入所以有終身爲妓半世作風流客者竟無此恙或問交媾偶中毒氣有輕重否余曰毒隨神轉走絡流經壯者氣行則已怯者則着而爲患

或問諸痛痒瘡瘍皆屬心火何心經獨擬於後耶余曰此毒上起脾



肺下起腎肝心乃陽主陰邪不能先犯諸經傳變而心始受邪故  
初生瘡子不爲痛楚或元陽虛怯直中少陰者發作遂痛

或問毒傳臟腑切脉可知否余曰脉者氣血之道路氣清脉和氣濁  
脉滯若有毒者其脉必沉如毒聚肝經者左關脉必沉澁寅卯時  
診之或遲或結不復流同者其毒深重餘臟倣此非若他毒以洪  
大滑數爲準反是者並必難治

或問有患者服藥而愈精神未復者何也余曰毒未盡化藥不勝病  
耳蓋毒不盡則精神不復非骨節酸痛則疤色紫黑故交媾便有  
所染生嗣未色有毒倘或性氣躁率屢犯禁忌者遂使一分之毒  
未除竟能復十分之患不知者反責前藥無効此非倦藥者自廢

歟

或問醫治此患或用湯藥者或用散藥者或用丸藥者皆能獲效有  
等患者深慮輕粉爲言畏服丸散單用煎劑能收全功否余曰審  
察病機者醫之智也攻邪伐病者藥之能也夫毒有多少形有盛  
衰治有緩急方有小大臟有高下腑有遠近症有表裏藥有輕重  
草木之性多爲湯液金石之品俱作丸散故方有七大小緩急奇  
偶復劑有十宜通補瀉輕重滑澀燥濕方不七不足以盡方之變  
劑不十不足以盡劑之用凡治病在陰者毋犯其陽病在陽者毋  
犯其陰犯之者是謂誅伐無過病在於經則治其經病在於絡則  
治其絡病從氣分則治其氣病從血分則治其血病在其表毋攻  
其裏病在於裏毋虛其表邪之所在攻必從之受邪爲本見症爲  
標五虛爲本五邪爲標瑣屬於實宜治以急實者邪氣勝也邪不

速逐則爲害蔓延故治實無遲法病屬於虛宜治以緩虛者精氣奪也治宜次第故治虛無速法亦無巧法虛則補之實則瀉之有是症而用是藥此萬世之常度也如傷寒禁用丸藥恐唐俗悞用芫荳丸若用大黃丸則宜矣且業有專門工有高下又非臆論也或問此症有用一二方面而愈有用百藥無効者何也余曰一二方面効者多因稟厚毒淺或患者忍心耐怪訪醫擇藥調攝得宜所以正氣足而邪自除也若百藥無効者乃中毒之深也又非毒之中深由受毒之始速求病痊不究標本既投湯劑以致真元耗削藥毒蓄積於內遂有變証雜出往往至於傷生患者醫者竟不覺察故未經藥餌者僅爲終身不瘳之疾悞投藥石者定罹天橫之患由是紅紫眩亂使病者暗受其弊也

或問治法有用擦手足心者有煎湯薰洗者有藥點者有燈照者或  
効或不効而受累者何也余曰凡此四法取効一時與庸工用輕  
粉無異得其時者効或有之失其時者其毒反熾而終身不瘳也  
或問何爲最時何爲失候余曰毒盡達於肌表面而治之則爲得時毒  
未透發而妄攻者謂之失候

或問患者親自製藥或用食物發之仍有結毒者何也余曰世人走  
知庸俗暗投輕粉過藥致有結毒後患殊不知妄施蝨介草汁過  
服敗毒發毒寒涼等藥其累不減於輕粉也

或問初生疔瘡便毒大瘡細于至筋骨疼痛喉癰蝕鼻發塊上下破  
爛孔竅鵝掌白癩其治同否余曰感此毒者一氣也然毒之見症  
者不一也如傷寒疹子從表而傳裏疫病痘瘡從內而達外惟此

症出人無常伏見不一論其本則一究其末自殊正為真厚薄

病有新久工有上下藥有良毒豈可局一定之方而欲愈不疾乎

或問已上見症據經服藥能指日收功否余曰此皆獨授秘密得心

應手譬諸行熟道者遠近可計步而至也如初生下疔腫爛未作

骨痛者服藥十三日愈爛去陽物搽藥不効名虹梗或為卷心服

藥二十五日愈橫痃雙生者服藥十三日愈單生便毒作筋疼者

服藥十九日愈便毒潰破不斂名為魚口兼之疔瘡者服藥廿六

日愈陽物生瘡如楊梅堆滿狀如鼓椎他處不生者名為獨腳楊

梅瘡服藥四十五日愈生瘡形如砂仁內作筋疼者服藥二十五

日愈形如爛柿內作骨痛者服藥三十一日愈瘡髮際口吻疔

門他處未見者服藥二十一日愈形如大莖多見四肢者服藥二

十七日愈胸膈面頰先標形如花朵者服藥二十五日愈上下左  
右對壘形如楊梅者服藥三十三日愈筋骨疼痛遇天陰日晚痛  
甚者服藥二十一日愈結毒腿膝肩膊塊未破者服藥三十二日  
愈塊破年遠者服藥三十七日愈結毒委中湧泉王莖百會等處  
未破者服藥三十一日愈已破者服藥三十六日愈十指慘痛爪  
甲發癩者服藥二十六日愈喉癰日久成天白蟻蝕鼻者服藥二  
十五日愈毒壅肺道不時吐痰而聲啞者服藥二十七日愈毒透  
肌膚膿體生癬硬壓如錢色紅紫者服藥三十七日愈毒附手足  
生鵝掌風者服藥四十二日愈毒流肉分蛙爛蔓延者服藥四十  
五日愈胎毒胎兒屢患瘡癩遊風丹腫者服藥二十四日愈生兒  
無皮不壽者必是父母蓄毒所使當診父母脉氣方見毒之有無

輕重然後服藥疎滌餘邪補立正氣使後孕子女永無胎毒故  
微病必須服餌湯劑不可亂投尊生者保之

或問服藥愈疾限日刻期能勿爽信乎余曰製劑療疾不外陰陽五  
行生成之數合而察之切而驗之若水鏡鑒形不失毫髮故病於  
內者司內揣外病於外者司外揣內治之之道無踰此矣非獨是  
疾諸症皆然夫病爲主藥爲賓賓主相得邪氣乃服邪氣一伏則  
限期勿爽矣

或問有毒壞孔竅肢體癩怯者醫能復原否余曰能解前藥之毒按  
經銷鎔其邪重施培植元本耳雖聾而復響眼將瞎而復明鼻將  
凹而復聳體怯者復壯陽費者復長大都治此症者不外化毒一  
法第化毒之法不外攻邪補元非明經察脈辨症之精毋得妄治

故諺云傷寒痘疹黃瘡癩癘怯病不服藥爲上至言也原非有病而不藥嘗恐醫工之不善也故有此戒

或問土茯苓單療此疾竟有餌之不効何也余曰土茯苓味甘氣平主溫胃健脾暖筋骨倘過服寒涼損胃毒滯脾經飲食少進者非此不能奏効若毒在他經脾胃健旺者縱多服亦不見功如脾虛泄瀉者服此實有奇驗故曰奇良非虛名也

或問丈夫染此症內室預服敗毒等藥可否余曰上工治未病者毋容邪氣侵也今人未見毒氣有無遂服敗毒等藥果有毒者則可如無毒者徒使元氣內虛內一虛則外邪易入是無病而使之先病也戒之慎之

癩瘡治驗



一庠生年十八肄業郭外漸漸眉髮脫落遍身拘急從風治不効余  
候其脈沉澁且緩此金乘木位乃癩瘡毒氣所感也用發藥三劑  
吞牛黃蟾酥丸大汗之次服化毒乙字丸兼用龍膽瀉肝湯旬日  
外果發細瘡加砂仁隨生隨褪二十日外瘡毒盡化眉髮復生  
一詞客染楊梅瘡傳於內室多方調治僅愈惟生兒多天就余商之  
余曰此乃先天遺毒使然或初生無皮或月內生瘡或作遊風疔  
腫或發塊或生癰皆癩瘡之遺毒也遂倩余診脉細按之六脉無  
恙氣血和平何生嗣多天乃知其內室蘊毒必重有害胎元即服  
逍遙湯加忍冬花川石斛貝母威靈仙二十餘劑兼服化毒甲字  
丸一料嗣服加味養榮丸不一載即舉一嗣後二年又生一女瘡  
瘡俱朗諸疾不浸

一內室患頭痛沿反手臂不能舉動易數醫服藥二百餘劑不獲効  
後頭項發痰塊三五枚又以瘰癧攻治亦不効余診其脉與症不  
合乃出前醫藥按皆以治風治火治痰治血虛治瘰癧余曰是癩  
瘡毒氣所感太陽厥陰受症何治之謬也主人始悟曰向余出京  
患便毒豈餘毒相染耶先生之言不誣矣卽以保安湯十劑間服  
化毒癸字丸至半月手臂舒暢頭痛全無後更甲字丸至二十日  
外頸塊消散又服加味地黃丸方獲全効

一兒纔半歲患赤遊風其父用毒藥發之起瘡如癩或乾或濕身無  
完膚其友邀余視之余曰此雖胎毒必爲癩瘡惡氣所遺衆口曰  
伊父性吝青樓毒或有之遂用化毒庚字丸倍加牛黃兼用辰砂  
六一散每日開服六次人參湯送下至七日始褪二十日全愈

一貴介年三十餘染瘡口久妄用尅伐大肉已削止存皮骨且咽喉腐爛外瘡冰伏形勢微甚余懶治患者二兄曾犯此症且無嗣請治其弟余用大補藥熬膏日飲每早用化毒戊字丸晚服辛字丸至十五日喉肉始長飲食漸增至三十日身瘡褪剝又服大造丸至五十日肌肉方生七十日能步履而愈

一賈年四十餘患瘡貽毒有年塊發頭頂如拳右膝腫大如瓠右腮破遺喉嚨損傷粥食不能下胃每日喉痰升許肢體羸瘦坐以待斃余視其症危甚第脉息尚有胃氣遂以六君子湯加貝母膽星石斛天麻兼服化毒壬字丸至二十日腮潰已靨頭塊始消飲食便利又用戊字丸兼虎潛丸早晚間服至三十餘日而腿膝如故飲食倍增更服辛字丸至五十日而諸症皆愈形體更肥

一縉紳年四十外九月間染下疳至次年正月遍體生癩瘡急欲取效施寒涼之劑用薰洗之法瘡痂盡褪疤色紫黑骨節流痛肩膝起塊余診之右脉沉微左脉澁滯知其寒涼太過毒伏發塊遂用人參二錢子羊肉十兩每日煮食早晚服化毒色字丸旬日外瘡靨登褪至二十日塊消痛止又服辛字丸瘡疤光瑩嗣服八味地黃丸而愈

一室女年十四忽小腹作痛旬日痛引褪膝其父延醫甚衆皆云屈脚腸癰療三月無效後醫作痞塊治亦不效時在正月邀余診視候脉不滑不數傍見一婢頸項瘡疤紫黑余知其如所傳也其父詢爲何疾予不明言適他往至八月纔回其疾如故飲食少進時作驚悸其父復懇救治遂示以病因卽詢諸婢婢曰有之曰驗

之矣用歸脾湯兼服化毒丙字丸至半月痛始定又服乙字至二十  
十五日諸症皆愈

一大學年三十染癩瘡飲食禁忌甚善並不服藥至兩載而痊不及  
數月兩腿起小塊月餘而破但不深漬自用膏丹敷貼一伏一起  
蔓延胸腹頸項頭面耳目一病二十餘年訪治於予予曰乃陽癩  
蛙也毒留肌肉之間失於汗下耳遂用防風通聖散加人參連進  
五服以祛其蓄毒兼用化毒戊字丸早晚服之至盈月而愈耳目  
無恙纔止前丸更用八味丸服至三觔精神如舊後取妾復生嗣  
焉

一節推年六十餘患陰囊破爛五年日流臭水無度諸醫勿克閉戶  
靜養適伊孫患慢驚延余治問及此症余曰結毒也壯年必犯疔

瘡便毒服藥雖愈餘毒蓄而不散至血衰所作非他藥可療當用  
加味益氣湯早晚吞化毒玉字丸不用敷藥至三十餘日肉長結  
痂而愈

一士好採補誤染徽毒前陽發瘡臨溺慘痛諸藥無効且腐至根始  
延余治余曰此名卷心疔瘡當用牛膝枸杞忍冬花黃芪熟地  
當歸首烏澤瀉石斛等大料熬膏加入參鹿膠日餌早晚服化毒  
癸字丸半月後瘡肉始長又服戊字丸後用獨參湯吞八味丸精  
神復長而愈

一青樓患疔瘡半載沿爛疼痛不止敷藥不効多用草藥單方甚至  
嘔逆不食危篤欲斃余診其脉兩尺沉濇寸關俱微蓋因草藥損  
胃遂令脾胃不食故毒氣不能升散以加減六君子湯十餘劑兼

進化毒癸字丸至七日始納穀其痛稍減更用乙字丸至半月身  
發細瘡隨生隨褪至三十日全愈

一司椽年近三十患便毒月餘多方不能消散其痛甚烈遂則下墜  
陰囊臥則上攻兩腎轉側不能自持日夜難以安身始延余治診  
其脈左手結澁知腎肝毒氣熾甚遂用化毒甲字丸同癸字丸早  
晚服之木通連翹湯送下至七日痛止十四日腫消十八日全愈  
一童子忽然身熱卽發丹毒數塊衆醫爲赤遊風治以藥治以砭治  
以敷悉不効余思之曰遊風爲患必是父母癩瘡毒氣所遺當用  
化毒辛字丸倍加牛黃鍾乳粉珍珠犀角羚羊早晚服之霍然而  
愈

一賈年三十忽生一毒於環跳穴下狀如絳桃紅且紫或痛或痒未

幾又發小塊於兩膝下服藥數月不効且潰爛至腿膝延累三載  
余視其瘡口候其脉氣是結毒也患者曰不然歸詢其母始知其  
父遺毒所傳余用化毒戊字丸早晚服之至半月進十全大補湯  
加牛膝米仁至三十日兩腿全愈後服虎潛丸精神始旺

一縣尉年五十餘客京都染楊梅瘡欲速治愈每遇春夏後發緣受  
選延捱六載精神消耗兩腿破爛艱於步履余治治以大補湯加  
枸杞薏苡牛膝首烏兼服化毒己字丸半月後更甲字丸服之至  
三十五日而褪毒全愈後服補髓丸而復元

一孝廉年近三十眼角內潰痛引鼻梁膿無度脆骨將脫究其因  
原染穢瘡季春啖黃魚之後眼角隱隱作痛醫以降火祛風之劑  
治之不効余知毒伏在內遇毒一擊而發遂服化毒戊字丸和乙



字丸早晚間服兼以神功內托散至二十日膿盡肉生後用十全大補湯加川連忍冬花貝母服二十劑眼鼻無恙而愈

一富室李春染癩瘡如痘至仲冬而愈嗣發鵝掌風兩手又年餘腰背生癬痛痒交作薰洗敷藥近愈未幾復作筋骨疼痛流注左右慘楚無時漸至着牀不起方延余治診其兩手脈沉而結知爲毒遏於內不得發越故作筋骨疼痛遂用人參八錢升麻半兩川山甲四錢忍冬花四兩土茯苓十兩分作五劑兼服化毒乙字丸至七日痛減半月後發細瘡百餘點其痛頓除調理四十日全愈

一梨園染棉花瘡恐親友知覺求醫速痊悞服隱藥而愈期月之後遍身流注作痛身體振掉不能自持甚至着牀不起余曰悞中輕粉毒也早服化毒已字丸晚服癸字丸三六九日單服神水間日

服活絡丹四十日全愈

一商年四十外五月間耳內生一瘡不知覺至七月中陰囊生瘡三四枚亦不識至十月陰囊頭頂生瘡共三五十箇其形酷似楊梅口渴非常痛不堪忍雖天寒穢氣逼人十一月始求余治余曰真少陰症也日用歸脾湯加枸杞山萸早服化毒壬字丸晚服丙字丸至三十餘日全愈患者內室亦感此毒作傷熱骨痛卽服化毒乙字丸隨生細瘡八十餘點半月後全愈

二乳母年三十患乳癰腫痛百日而潰諸藥勿效穢氣異常延余治之診其脉原非乳癰乃徽瘡毒氣所遺究其因乳子之父曾患此症是遺毒外吹遂用化毒乙字丸兼以四物湯加貝母丹皮瓜萸子木通薑蔻香附青皮柴胡服二十餘日而愈

一 參軍年四十外突患癩瘡沿及手足其形如錢堆起紅紫黑腐褪  
退即成白癩經年不瘳就余治遂用人參蛤蚧散兼服化毒辛字  
丸半月後又服已字丸四十餘日乃愈

一 友人子年十七肄業道院忽髀厭腫痛狀如橫痃叩余索方即以  
汗下化毒之法消之嗣後肛門生瘡認為痔以爛藥敷之不去後  
用紅粉霜乃痊又作筋骨疼痛後生瘡如砂仁邀余商之余曰此  
症染發不一小症應當大治伊父好方士不從余言每得一方輒  
便試之瘳年餘肌肉消瘦外瘡冰伏不起不褪又加骨痛頭額腿  
膝發塊精神衰憊至技窮復就余治乃用八珍湯加忍冬花丑加  
皮何首烏兼用化毒戊字丸壬字丸早晚間服至三十日痛止瘳  
褪又加牛膝枸杞至五十日塊消精神漸復後服補髓丸而愈

一青樓年二十大作骨痛生瘡如楊梅求治之余用玉樞丹五錢作  
二次服大瀉之每日用子羊肉十兩黃芪兩許土茯苓四兩共煮  
啖之兼以化毒丙字丸服至十三日大瘡乾褪卽生細瘡如痣隨  
生隨褪疤無異色月餘全愈

一司掾年近五十初夏染疔瘡服大汗大下等藥約數斗至仲冬肢  
體剝落飲食不進筋骨之痛黑斑遍身耳無聞目無見命懸旦夕  
余視之精神儼甚毒氣深固意不許治病家驚懇用補膠藥旬日  
纔知食味方用化毒壬字丸與甲字丸早晚間服兼飲大補養榮  
膏至二十日每黑癩中生一細瘡隨生隨褪肌斑始澤疼痛全除  
內以補髓丸服之外以藥捲紙筒炙耳耳漸知聲目漸有光至五  
十日方辨人語因倦於藥十年來未能復全聰

一童子年十二因父母患癩瘡而染喉癩延年餘飲食艱難喉閉聲啞余謂毒氣壅於肺道以至音聲不出每日早服化毒庚字丸晚服犀角解毒丸至半月喉癩始痊又用瓊玉膏不時噤嚙至二十日聲出如昔

一友年近三十初習醫偶中楊梅瘡毒喉間忽生一瘡如葷認爲喉蛾大用清涼解毒之藥不効延二百餘日飲食竟不進垂危迨余至其友以症告余曰此癩瘡症也次日往視手上有數瘡隱肉遂用化毒丙字丸強吞以獨參湯接飲間以煎劑調理至七日瘡發口鼻舌本至十日外能進粥又服庚字丸至二十日後善飯不服余藥自爲調理

一黃冠年二旬餘染砂仁瘡欲速愈聞方輒試未滿百日而形憊食

減始就余治胗其脉六部俱沉微而緩余謂寒涼大過脾胃受傷以致飲食不進外瘡冰伏兼之筋骨疼痛當以補中益胃使毒氣升發而易化用補中益氣湯倍加參朮服至七日飲食漸增兼以化毒戊字丸早晚服之至半月瘡勢起發筋骨痛定又更乙字丸服至二十五日瘡痂盡褪而愈後服大補丸一料元神復旺

一農年四十餘丙子春初前陰生瘡狀如鼓椎他處無一點屢醫不效交冬更服蘇州瓶藥以土茯苓煎湯作引約用百五十觔至丁丑夏其疾反重日夜痛苦無一刻安卧其臭甚惡雖妻兒不敢近炙之不去點之不減方就余治胗兩手脉俱沉微而緩惟左尺欲絕是少陰經受病名曰獨腳陽癰瘡何被不經之藥妄投毒將內攻是以胸膈逆悶飲食少進遂用牙皂升麻首烏牛膝木通忍冬

花煎飲吞護心丹早晚服王字化毒丸至半月方効更用人參黃  
芪枸杞牛膝鹿角當歸升麻川山甲煎服至二十日外痛漸減始  
得安臥兼以靈藥外敷至五十日瘡褪毒氣將脫而患者各費罷  
藥精神恐未能如舊

癰瘡方法

夫癰瘡爲患正氣不虛則邪毒不入如肝氣虛邪毒乘之則發橫痃  
或成魚口甚則筋疼瘡如砂仁腎氣虛斜毒乘之則生下疔或爲  
蛙梗甚則骨痛瘡形如爛柿肺氣虛邪毒乘之則毒聚於上不爲  
筋疼必生瘡如花脾氣虛邪毒乘之則毒流四肢不作骨痛必生  
瘡如痘心氣虛邪毒乘之則發大瘡形如楊梅左右相對而作楚  
有一經獨虛而邪氣獨盛者有兩經三經同虛而齊病者有現於

外而滿身生瘡者有伏於內而遍體骨痛者所以出入無常而隱見不一也當詳究脈理按其毒氣有無輕重應發表則當發表應攻裏則當攻裏應疎利則當疎利應溫補則當溫補應涼解則當涼解勿令虛實顛倒斷削元神蓋病重而藥輕者但無近効病輕而藥重者必生他變所以治此症者須標本兼治不可偏施以攻邪補元爲主

### 主方

凡染有毒之妓或與患者接談稍有所感不拘便毒疔瘡或髮際生瘡梳下薄靨如瘰或手足肌膚紅點如斑隱肉當服此方使正氣足而邪氣自除也若間服牛黃化毒丸其効甚捷

人參

黃芪

川芎

甘草

當歸

二錢

忍冬花



漢防已 各一錢五分 升麻 防風 山甲 各八分

用水二大鍾加生姜三片煎至飢時服渣再煎

### 牛黃化毒丹

治已上初見形症

牛黃 四分 須用西黃色鮮黃者用之烏金黃亦可肝琥珀五分

血竭 形如筆管厚實者功次之廣黃味薄功不及半 雄黃 須擇鏡面大塊不涉沙石者用之近有煉丹下就轉

與藥店 賣者有 白鮮皮 川山甲 乳香 各取頭 木香 各取頭

五分 蟬退末 錢二 生乳 錢一 沒藥 錢一 川貝母 錢三

石各製為末用神麩末五錢打稠糊入藥搗勻丸如梧桐子大另

研朱砂為衣每早空心服十五丸早晚空腹服十丸砂糖湯送下

中病則已如餘毒未盡藥不可徹服此丸切忌煩勞惱怒焦躁茶

酒止可用十分之三

養榮丹

治肝經形症益其正氣兼服化毒甲字丸標本同治

當歸錢三 白芍 川芎 丹皮 遠志 龍膽草 夏枯草各一錢

青皮 柴胡各八分 川水二鍾前八分服渣再煎七分服

甲字化毒丸

治肝經內外前後形症

升麻錢二 牛黃分四 生生乳配礬石用佐藥煉百日而成成則生

費不易修合如火候不到者服之無驗余識此方三年始得礬石

煅鍊得法十年間屢用屢驗誠千古不易王道之聖藥也未有此

藥不可依方修合議余方之不靈方法已著名 雄黃須擇舊坑所產透明 硃砂

乳香各一錢七分

月月紅

白姜春

川山甲

白鮮皮

各取頭末一錢五分

廣木香

熟大黃

牡丹皮

各一錢五分

右各製為末用神麩末五錢打稠糊入藥搗勻丸如桐子大另研

硃砂為衣每早空心服十三丸每晚空腹服九丸入參湯下炒米

湯亦可病重者逢三六九日加服三丸元弱者不必加病去藥減

如餘邪未盡藥不可徹服此丸切忌惱怒焦煩茶酒止可用十分

之三

補真湯

治腎經形症益其正氣兼服壬字化毒丸標本同治

何首烏

川牛膝

枸杞子

各三錢

五加皮

當歸身

石解錢

杜仲

黃柏

各一錢

用水二大鍾煎八分食前服渣再煎服

壬字化毒丸

治腎經內外前後形症

虎歷骨酥炙龜板酥炙

川山甲炙硃砂各一錢六分

月月紅即血餘用童子頭髮月刺

蟬退末二錢

沒藥 乳香

白蘚皮 雄黃各一錢

生乳錢一

牛黃五分土貝母二錢

沉香七分取沉水色黑味甜香者用

琥珀七分

右各製為末用神麩末五錢打稠糊入藥搗勻丸如桐子大另研

硃砂為衣每早空心服十五丸每晚空腹服十九丸參湯送下拘

杞湯亦可病去藥減如餘邪未盡藥不可徹禁忌同前

保脾飲

治脾經形症益其正氣兼服戊字化毒丸標本同治

金匱右斛 薏苡仁 忍冬花各二錢 山藥 茯苓

牡丹皮 陳皮各一錢 人參 甘草 木香各六分

用水二大鍾加棗二枚煎八分服渣再煎服

戊字化毒丸

治脾經內外前後形症

牛黃四分 升麻 生生乳各一錢 木香 硃砂

雄黃 川山甲 白蘚皮 乳香各一錢五分 擇滴

製大黃二錢 當耗煮酒五 苡九蒸九晒每黃十兩 威靈仙 沒藥

血竭 貝母各 錢五分

右各製為末用神麩 小五錢打稠糊入藥搗勻丸如桐子大另研

硃砂為衣每早空心服十五丸每晚空腹服十九丸人參湯送下奇  
良湯亦可病去藥減如餘邪未盡藥不可徹禁忌同前  
益衛散

治肺經形症益其正氣兼服庚字化毒丸標本同治

人參

貝母

白芨

白合

阿膠

桔梗

天冬

各一錢 山藥

木香

甘草 各七分

用水二鍾煎八分通口服渣再煎服

庚字化毒丸

治肺經內外前後形症

蟬退

炒去土

川山甲 炙

川貝母 各二錢

鍾乳石

須擇湖廣產者  
長大脆白用

葵甘草水煮一日  
用之色雜性堅者不用

萬遍

生生乳

已上各一錢

鬱金

二錢

牛黃

四分

五厘

木香 月月紅

乳香 白蘚皮

雄黃各一錢五分

硃砂一錢七分

右各製為末用神麩末五錢打稠糊入藥搗勻丸如桐子大另研硃砂為衣每早空心服十五丸每晚空腹服十九丸人參湯送下奇良湯亦可病去藥減如餘毒未盡藥不可微禁忌同前

安神散

治心經形症益其正氣兼服丙字化毒丸標本同治

人參 茯神 黃連 甘草各一兩遠志七分

石菖蒲 栝子仁 生地 赤芍 木通各一錢二分

用水二鍾加圓肉七枚煎八分服渣再煎服

丙字化毒丸

治心經內外前後形症

牛黃

珍珠 各五分

犀角 蜜色味香有棕紋者用之

瓜兒

血竭

紫草

硃砂

雄黃

白蘚皮

乳香

月月紅

各錢五分

姜蚕

酒拌炒去絲

蟬退

山甲

各一錢三分

生生乳

一錢

赤芍藥

二錢

右各製為末用神麩末五錢打稠糊入藥搗勻丸如桐子大另研硃砂為衣每早空心服十六丸每晚空腹服十一丸人參湯送下龍眼湯亦可病去藥減如餘邪未盡藥不可徹切忌惱怒焦躁茶酒止可用十分之三

凡服十于丸先用滾湯泊燕清胸中濁氣嗣腹丸藥藥後啖糕菓之類壓丸藥下胃日尊法法毋忽



通氣飲

治橫痃初起或兩髀俱腫作痛肉未堅實應服此方

木通

瓜蒌子 各五錢

忍冬花

粉甘草 各三錢

貝母

紫蘇葉 各二錢

用水二大鍾煎八分空腹服渣再煎七分服

消毒飲

治便毒單生腫硬大作痛者服此方

歸尾

粉草

熟大黃

黑丑 搗碎 各三錢 姜蚕

具母 各二錢

用水酒各一大鍾煎八分空腹服渣再煎七分服

單方 治同前

黑丑頭末 七錢

空腹熱酒調服或汗或下後以粥飲止之

五虎湯 治前前有元氣者服之

全蝎 姜蚕 川山甲 炙一錢五分 蜈蚣 三條

班毛 三個去頭足 糯米拌炒 生大黃 二錢

右研為末分三次空腹酒服

丙托散

治便毒腫痛將作膿者服之

地榆 一兩 黃芪 粉草 忍冬花 川山甲 白芷 各二錢

用酒二大鍾煎至一鍾空腹服渣再煎服

分膿散

治便毒有膿未破作痛作脹

皂角刺 黃芪 牛膝 各三錢 川芎 一錢 當歸尾

川山甲 忍冬花 漢防已 各一錢五分

用水二大鍾煎八分空腹服渣再煎七分若服前方不驗者或毒必重當服甲字化毒丸收功

解毒湯

治下疳初起

連翹 荆芥 木通 黃連 生地 牛膝

忍冬花 滑石 甘草 何首烏 各等分

用水二大鍾煎八分服渣再煎七分服

解毒丸 治同前

白芷一兩 班毛四十分 二物和一處用酒拌濕透文火炒燥揀出

班毛用白芷 全蝎 胡桃肉各一兩 二物新瓦上焙微焦 生大

晒燥四物共研細末酒麵打糊爲丸如菴荳大每服三錢

下

治下疳瘡

巴子煨存性一名貝子

研極細每一兩末加冰片五分五色粉霜三

分再研盛磁罐聽用

方

雨前茅茶

麻黃細切各一錢五分

連四紙方七寸許用鉛粉錢半

擦在紙上舖前二味捲筒火灼存性研細加水片一分再研盛罐

聽用

薰洗方

苦參

川椒

忍冬花各兩許

用水三四碗煎數沸洗薰後

洗瘡口拭乾用搽藥從四浴搽之用薰洗搽藥不効者毒中必深  
當服壬字化毒丸收功

### 加味化毒飲

治下疳瘡腐爛陷下有凹或包皮腫如雞肫或肌膚見形如斑  
疹將發瘡者當服此方

漢防已

當歸

忍冬花

白蘚皮

連翹

羌活

川芎

各三錢

牙皂

五錢

右切片分作七帖每帖加奇良四兩猪胰子一枚水四碗煎至三  
鍾分二次服渣再煎一鍾服七帖後倘或不効者當服化毒丸收

効

### 解表飲

治下疳便毒同起內作筋骨疼痛者服之

麻黃

紫蘇

桔梗各三錢 川芎

升麻

當歸

炒杏仁各五錢

姜蚕

蟬退各三錢五分

子羊肉兩

用煮酒十碗煎至三鍾頓服厚衣蓋覆出汗透為度其被浸水中大便去空野

加味流飲

瘡初起不生疔瘡便毒者服之

風

荆芥

川芎

升麻

鼠粘子

花粉

蘇皮

姜蚕

甘草

川山甲

牛膝

何首烏

木通

木通

五加皮各等分

用水三大

猪腴半隻竒良一兩煎至一碗熱服取微汗為度

渣再煎服 版庚戌二字化毒丸

牛黃蟾酥

發表化毒 能治一切疔腫癰疽瘡瘍

西黃一錢 蟾酥二錢 射香二分 硃砂 雄黃 乳香各一錢二分

先以蟾酥切片熱酒化軟將五味細末和蟾酥搗丸如黍米大每服七丸葱頭熱酒送下出冷汗為度

煎病解毒丹

治瘡毒初起 可作下藥勝用大黃克伐胃氣

山茨姑 二兩 質擇嚴處土產色紫血 頭末一兩五錢 紅芽大戟 去木切薄片取

千金子 去殼去油 文蛤 三兩 硃砂 雄黃 各五錢

射香 錢 須擇當門子乾燥者抵三錢用

右製爲細末以糯米稀粥搗成錠子量人大小虛實服一錢上下滾湯磨化

凡患疔瘡使毒未愈有生瘡之兆預煎此油服之可免面部生瘡

麻油八兩用自已頭髮三五錢煎化作二次服再服亦可

凡患瘡頭面及不便處者先薰洗後點藥五日即愈

製生乳法

煨煉礬石二錢雲母石二錢硝石一兩六錢硃砂液九錢六分即朱

上晉礬二錢菘礬一兩食鹽兩枯礬五錢青鹽三錢五分

右件共研不見星入羊錫罐內三方一頂火俟藥化面上有霜頭

起離火候冷用鐵盞蓋托鹽泥固濟待罐口泥乾入八卦爐內先

用文火候盞底熱微微擦水加炭平日用武火三香足離火先用

醫方類聚卷之六



甘草芽昆各二錢煎濃汁收盞底白丹砂棉紙包裹浸汁內片時  
取出連紙埋土中三日夜取來晒乾每兩加水麝各七厘辰砂九  
分共研極細外用乳香錢二分滾水焯化和前末研勻爲丸每重  
一錢一分外以黃蠟封固卽名生生乳照方配合服之刻日奏効  
每見公于王孫沾染此疾白藥無効者皆因方之不當藥之不真  
也余願此方公之海內而後世易爲采擇永無差誤然世之毒藥  
古方往往用之各有製度耳如水一物得雲雲母礬石同煉其毒  
卽解不比粉霜輕粉之酷烈也余用生生乳配風藥而治大麻瘋  
配癩藥而治傳屍癩配蟲藥而治諸蟲疾配膈藥而治噎塞翻胃  
配瘡藥而治頑毒頑癬久漏骨痛種種奇効不備治廣瘡毒氣之  
聖藥也大凡藥性與稟性有異人有殺藥者毒藥服之竟不覺察

秦功亦緩性有不殺藥者服之便覺時胃奏効亦速所以爲醫全  
在活潑經曰大積天聚衰其大半而止不必盡劑須要體察病情  
功效未全者再宜進藥或間日再服或停兩三日再服務宜消息  
增除毋便過劑以生藥病

### 製金鼎砒方法

淨白砒

二兩五錢  
研細爲末

出山鉛

十六兩開如大  
豈許敲爲片

用小城罐一個以鉛片桃砒末重重疊在罐內用文火鎔化候青  
煙起白煙來霜飛罐口方離火冷定鉛面清如水色如金者無燂  
質者爲妙若青黑非出山鉛也用之無効

### 結毒方法

天結毒者癰瘡毒氣結於四肢百骸孔竅經絡不易散解作痛作腫

久則塊破潰爛不已治此症者不外乎攻補攻則毒氣去補則正氣強經曰邪之所湊其氣必虛虛者空也無也譬諸國內虛則人民離散百禍易起人之虛者亦猶是已又曰不能治其虛安問其餘蓋言虛者為百病之本宜首舉以冠諸症也

毒結於肝膽二經者內作筋痛攻走脇肋上至於頭下至於足艱難手不能舉足不能步或頸項發塊或破爛上下或傳生別病當用乙字化毒丸兼用煎劑調理

乙字化毒丸

治已上諸症

牛黃

丁香

牙皂

各五分

琥珀

須擇體堅燥者用之

生生乳

各一錢

硃砂

雄黃

月月紅

白附皮 乳香 川山甲各五分 製大黃 二錢 姜蚕 四錢

右藥為末用神麩末五錢打稠糊入藥搗勻丸如桐子大另研碎  
紗為衣每早空心服十三丸每晚空腹服九丸人參湯送下炒米  
湯亦可病去藥減如餘邪未盡藥不可徹百日内勿使大勞大怒  
順時調理

煎藥方

當歸 二錢 芍藥 一錢 川芎 七分 人參 丹皮 各八分

膽草 柴胡 紅花 各五分 枸杞 二錢 石解 一錢五分

用水二鍾加蓮子十粒煎八分服渣再煎

胃氣弱加奇良一兩薏以三錢 魂不寧加酸棗仁 二錢氣不順

加烏藥香附青皮各一錢 泄瀉加白朮山藥各一錢五分

毒結於膀胱並腎經者內作骨痛流注上下抽掣時痛發塊百會委  
中湧泉等穴或陽物腐爛不已或陰囊腫脹作潰或生獨脚陽癰  
瘡或傳他經致生別病當用癸字化毒丸兼用煎劑調理

癸字化毒丸 治已上諸症

牛黃五分

鹿角屑三錢

沉香

生生乳各一錢

硃砂

雄黃

月月紅

白蘚皮

乳香

川山甲各錢半

神水

一錢

用出山鉛十觔打薄片二十塊塊上貼銀箔取尖底  
釭二隻一樣的上釭開一孔底中縱穿鉛片懸上釭下釭盛

米醋火酒各十觔釭口架磁盆一個將釭合好用  
麵條封固以文火下燒俟酒醋乾取出盤巾者是

人中白

二錢五分

擇鄉間誠實人家不  
生瘡毒疾病者取製入藥有効

製何首烏三石製為丸

用神麩末五錢打稠糊入藥搗勻丸如桐子大另研砂為衣

早空心服十五丸每晚空腹服九丸人參湯送下枸杞湯亦可病去藥減如餘毒未盡藥不可徹百日內勿使大勞大怒順時調理

煎藥方

牛膝

枸杞

山茱萸

五加皮

當歸各二錢

何首烏

補骨脂

淫羊藿

川石斛

山藥各一錢二分

澤瀉七分

用水二鍾加川椒一撮煎八分服渣再煎

精氣不固加菖蒲人參各一錢 盜汗加白芍各一錢 酸棗仁麥門冬各一錢二分 內熱加熟地黃栢牡丹皮

毒結於脾胃二經者外為小塊肌肉蛙爛蔓延或發大塊破潰腿廉

或手足生鵝掌風癬或傳他經致生別病當用已字化毒丸兼用

煎劑調理

已字化毒丸

治已上諸症

牛黃

牙皂各五分

木香二錢

生生乳一錢

乳香

沒藥各七錢七分

川山甲

白鮮皮

硃砂

雄黃

月月紅各一錢五分

熟大黃

蠶蚕各二錢

血竭一錢七分

右製末用神麩末五錢打稠糊入藥搗勻丸如桐子大另研硃砂為衣每早空心服十三丸每晚空腹服九丸人參湯送下砂糖湯亦可病去藥減如餘毒未盡藥不可徹百日内勿使大勞大怒煩

時調理

藥不

煎藥方

茯苓二錢 山藥

石斛

陳皮各一

錢 薏苡仁三錢

當歸二錢 白芍

丹皮各八

木香

甘草各五分

肉桂三分

用水二鍾加砂仁六分煎至八分服渣再煎服

飲食少進胸中脹悶加厚朴荳仁各一

錢 有痰加半夏枳實白朮各

錢 泄瀉加肉果訶子各七分減當歸

結於大腸肺經者為喉癰多作痰唾久則成天白蟻漸蝕鼻梁低

陷或肌膚生癰硬靨如錢色紅紫褪過即成白點或不生癰竟成

白癩風或傳他經致生別病當服辛字化毒丸兼以煎劑調理

辛字化毒丸

治已上諸症



白花蛇 產者佳

羚羊角

白蘚皮

半黃 五分

鍾乳粉

生生乳 各一錢

川山甲

月月紅

乳香

硃砂

雄黃 各一錢五分

槐花 二錢

神水 七分

川貝母 二錢

蜂房 一錢

右製末用神麴末五錢打稠糊入藥搗勻丸如桐子大另研硃砂

為末每早空心服十三丸每晚空腹服九丸人參湯送下熟蜜湯

亦可病去藥減如餘邪未盡藥不可徹百日內勿使大勞大怒順

時調理

煎藥方

人參 二錢

天門冬

貝母

當歸

沙參

山藥

麥門冬

黃芩 各八分

五味子 四分

用水二鍾加枇杷葉三片煎八分服渣再煎

痰多加白朮天麻橘紅各一錢

喘急加桑皮甘草紫蘇子各一錢

毒結於心小腸經者毒注瞳仁似乎內障或見或不見或毒聚舌本  
作腫或十指慘痛無時或瘡生遍體內有不易結痂而腐爛不已  
者或傳他經致生別病當服丁字化毒丸兼以煎劑調理

### 丁字化毒丸

治已上諸症

牛黃

珍珠

蜈蚣去頭足炙

犀角

生生乳

牙皂

各一錢

月月紅

白蘚皮

珠砂

各一錢

雄黃

乳香

川山甲

各一錢五分

琥珀

五分

貝母二錢

血竭

鬱金

製大黃 二錢

右製末用神麴末五錢打稠糊入藥搗勻丸如桐子大另研硃砂為衣每早空心服十五丸每晚空腹服十丸人參湯送下圓眼湯亦可病去藥減如餘毒未盡藥不可徹百日内勿使大勞大怒順時調理

煎藥方

人參

茯苓

栝子仁

當歸

生地黄 各一錢二分

遠志

麥門冬

牡丹皮

黃連

甘草 各八兩

用水二鍾加圓眼肉十枚煎八分服渣再煎

不眠加棗仁 梔子

各一錢 二分

咳嗽加貝母 知母 桑白皮 各一錢

咽喉乾燥加玄參 連翹 各一錢

心經元一虛怯畏寒者加附子八分倍人參

毒丸

治生瘡時候服輕粉粉霜服前方無効者當用此丸間服

槐花一兩

川椒二兩

象牙末

黃丹

乳香

沒藥

人中白

各二錢

血竭

蜈蚣

川山甲

各一錢

金頂砒

生生乳

各一錢

右製末用神麩末一兩五錢打稠糊入藥搗勻丸如桐子大另研  
硃砂為衣每日早服二十九晚服十五丸土茯苓湯送下百日內  
忌房勞惱怒日宜食猪肉數兩

又方

用出山鉛九觔打造壺瓶一大把盛火酒十觔奇長二十一兩乳

香紅花各一兩川椒龜板各二兩封瓶口坐鍋中水煮一日夜取出埋地中三日去火毒每日早晚任意飲數盃

加味地黃丸

治病愈後精血未復者宜服

熟地黃八兩酒煮

山茱萸

山藥各四兩

茯苓

牡丹皮

各二兩五錢

澤瀉二兩

當歸身

枸杞子各三兩

右各製末搗熟地極爛和藥如乾加煉蜜再搗干杵丸如梧桐子大每日早晚服二錢淡鹽湯送下

補髓丸

治病愈後精髓空虛者必宜服之

人參一兩

地黃四兩

鹿茸一兩五錢醋炙

當歸四兩

枸杞三兩

栝子

茯神

白朮各二兩

麥冬一兩五錢

鍾乳粉七錢

沉香五錢

石斛二兩

右各製末煉蜜和丸如桐子大每日早晚服七十九秋石點湯送

下醇酒亦可

### 安神丸

治病愈後精神恍惚升痰動火煩渴

人參

栝子

當歸

麥冬

棗仁各一兩

生地

遠志

菖蒲

玄參

貝母

黃連

五味各七錢

右各製末龍眼肉七兩熬膏和丸如棗葢大辰砂為衣每服五十

丸燈心湯送下

加味養榮丸

治病入病愈後氣血衰少發熱作嗽

當歸三兩熟地

白芍

丹皮各兩半

香附四兩

人參

貝母

阿膠

山藥

茯苓

黃芩

川芎各一兩

白朮一兩

右各製末煉蜜丸和丸如桐子大每日早晚服八九十九淡鹽湯

送下

助胃膏

治脾胃虛弱飲食少進肌膚不澤

竒良二十兩甘草二兩炙

枸杞子

補骨脂三兩炒

薏苡仁八兩炒

先用大棗三觔水三十瓩各水減一半去大棗加前藥文火熬

濃約存汁四鍾加飴糖十兩再熬數沸盛磁瓶坐冷水內一日每  
日服五六次每次服三錢七後飲人參湯其効更速  
凡患筋骨疼痛先服化毒丸七日用後方尉烙

尉烙方

川烏

草烏

肉桂

軍姜

胡葱各等分搗細

煮糯米飲和藥搗勻敷患處外以水慰之

凡患喉癰久不愈者先服化毒丸七日用後方吹之

吹藥方

西黃一分

冰片一分

珍珠二分

硃砂八分

象牙末七分

龍骨一錢

瑤珠

一錢五分畏金  
店內用者是

右製共研極細盛磁罐患者先用苦茶洎嗽日吹三五次



凡患鵝掌風癬先服化毒丸九日外用後方薰洗方可擦藥

薰洗方

用桐油一觔內活蟾四隻文火煮之洗患處拭乾嗣用生雞腦醃五色粉霜擦患處以肉熟為度日一吹中病則已

五色粉霜 是外科要藥點黴瘡去腐肉長新肌能愈諸瘡殺諸蟲

敷諸毒

水銀二兩 鉛一兩 火硝四兩 白礬三兩 青鹽八錢

研勻入陽城罐內文火煨一香去其濕氣用鐵油盞蓋口以鐵線扎緊鹽泥封固先文後武火時盞上擦水到三香離火取出埋土中二日夜取出晒乾研細盛罐聽用

膏藥方

即楊梅瘡及癰瘡鵝掌風結毒破爛拔毒呼膿暖筋骨長肉生肌  
聽用

千里光自然汁十兩煮酒六兩內當歸大黃赤芍肉桂生地玄參  
苦參躑躅花各五錢文火煎濃約存汁一碗許收汁用麻油二十  
四兩加頭髮三兩煎至滴水成珠入前藥汁文武煎和加研細鉛  
粉蜜陀僧各五兩緩緩攪轉俟火候却好滴水不老不嫩離開火  
後加入研細乳香沒藥黃占白占各三錢射香三分粉霜一錢收  
罐坐水中出火毒攤貼須用重湯頓軟

余按臟腑感染陽陰傳遞配製化毒十干丸以爲定法而服藥亦有  
約但人之稟性不同有素服藥有素不服藥素欲素不欲之殊在  
患者當請上工酌擬詳脈氣回甦藥性時候攻補不失始獲全功

養生者不可不察也

黴瘡宜忌

夫宜忌者卽所苦所欲也五臟各有所宜五臟各有所忌如黴瘡一症舉世未諳藥物宜忌並飲食宜忌混同施治殊不知從其氣則和違其氣則有偏勝之害故凡有益於陽者必不宜乎陰有益於陰者必不宜乎陽宜於燥者不宜乎濕宜於濕者不宜乎燥能破散者不可以治虛能收斂者不可以治實故藥物有良毒之難齊味之莫測有相益相濟相畏相惡相忌相制之不同不諳宜忌者則其失也罔請以余所見聞者陳之一友患便毒其勢熾盛欲速愈單服大黃五錢不利又服七錢亦不利後加至兩許終不能通而大黃毒氣土攻七孔流血而斃染黃瘡服敗毒敗毒散不效後

服商陸根汁遂吐瀉經兩日不止藥食俱不受六日而死一人患楊梅瘡毒結於百會穴破爛兩年諸醫不効偶遇方士傳靈砒方卽製服之經七日齒落喉閉飲食不進而亡一人生棉花瘡無力贖藥用毒蛇一條酒煮罄飲卽時昏暈膚理腫裂出水至五日方知痛苦其瘡猶不愈一人患疔瘡便毒兼之筋骨疼痛數服草藥不効又取活蟾七隻內豬脂煮食食未畢作吐不已水漿不進方延余治余診之曰胃氣傷也非大劑人參不治遂咀人參五錢加烏梅七個同煎漸飲之又服一劑纔能進粥後用化毒甲字丸一料服盡而愈一人生魚口不痊服大料五虎湯少頃小便作脹日夜叫嗽苦不能溺邀余診之余曰乃班毛毒氣爲患當遠解之卽用猪脂二兩糯米五合粉草五錢長流水煎頓服外以葱白食鹽

蘇湯探洗解出血筋數條始通其毒仍不減後又生瘡如砂仁從  
余調治方愈噫今之庸愚襲不經之方投有毒之藥外患未盡內  
毒尚有諸如此類誤莫能拔寧知脉症相對名實相符方可投劑  
今以五臟若欲藥物宜忌謹錄於後

心爲君主之官神明出焉其華在面充在血脉爲陽中之太陽爲物  
臟通於夏氣神能固守則氣血流通萬物係之以興亡思慮太過  
則虛邪從之病於內傷者十居六七病於外感者百無四五調治  
者當以安神養血爲主味忌鹹多食鹹則脉凝泣而變色味宜苦  
羊肉小麥杏薤之屬心苦散緩急食酸以收之五味子之屬是已  
欽則寧靜清明故宜酸以收其緩也軟者和調之義也心君本和  
調邪氣乘之則燥急故宜用苦硝之酸寒除其邪熱以軟其燥急

堅勁之氣使復其平也以酸補之澤瀉導心氣以入腎也煩勞則  
虛而生熱故用參芪甘草之甘溫以益元氣而虛熱自退故爲之  
瀉也心以下交於腎爲泰炒鹽之鹹以潤之卽得心於腎交也火  
空則發鹽爲水味得之使心氣下降是旣濟之道也有補之義焉  
故軟卽補也

心經藥食所宜

藥食

補

人參

茯神

遠志

當歸

栝子

石菖蒲

紅花

天雄

桂心

血餘

紫石英

甘草

芎藭

辰砂

琥珀

乳香

胎元

瀉

升麻

細辛

麻黃

紫草

木通

川山甲 連翹 貝母 鬱金 赤茯苓 蜂房

犀角 珍珠 血竭 片腦 赤小豆 忍冬花

黃連 牛黃 麝

食宜

羊肉 鹿肉 鷄卵 牛乳 犬肉 猪心

火肉 風魚 淡菜 龍眼 荔枝 芝蔴

藜豆 薄菜 橙 藕 梨 杏

棗

心經藥食所忌

藥忌

死砂 生砒 輕粉 苦參 麥冬 蛇

韶粉 蝸生 硝

食忌

石首魚

蟹

蝗

猪肝

鴨卵

鴉

蜆

蛤

南廸

荳

茄

莢苜

諸牡血

肝為將軍之官謀慮出焉血之本魂之居也其華在爪其充在筋為陽中之少陽為牡臟通於春氣魂靜則至道不亂本性不動動則有催折之意焉怒甚血不歸肝而溢於外病於外感內傷者居半味忌辛多食辛則筋急而爪枯味宜酸犬肉小豆李韭之屬肝苦急急食甘以緩之甘草之屬是已扶蘇條達木之象也升發開展魂之用也故其性欲散急食辛以散之解其束縛也是散即補也



辛可以散川芎之屬是已若其太過則屈制之毋使逾分酸可以收芍藥之屬是已急也歛也肝性之所苦也違其性而苦之肝斯虛矣補之以辛是明以散爲補也細辛生姜陳皮之屬是已

肝經藥食所宜

補

當歸

川芎

地黃

山萸

酸棗仁

遠志

茯神

甘草

阿膠

桂皮

木瓜

烏梅

琥珀

辰砂

龍齒

龜甲

牛黃

瀉

芍藥

膽草

柴胡

青皮

忍冬花

香附

丹皮

瓜蒌

菊花

升麻

木通

射干

秦皮

皂角

薄荷

全蝎

川山甲

降香 羚羊 乳香 片腦 珍珠 膽礬

姜蚕 麝

食宜

犬肉 鴨 鴈 鹿肉 鱸魚 火肉

風魚 猪腎 鷄卵 葡萄 橄欖 芋

薺 林檎 馬齒莧

肝經藥食所忌

藥忌

死砂 生砒 輕粉 木燄 胡黃連 商陸

食忌

石首魚 水蛭 鵝 鴨卵 猪肝 鵝

茄 蒜 芋 杏 諸血

脾為倉稟之官五味出焉主運動磨物之臟營之居也其華在唇四  
白其充在肌此為至陰之類通於土氣為牝臟意平則智無散越  
宜健而不宜滯濕則滯爽滯則邪氣從之病於內傷者多半調治  
者當以去濕導滯味忌酸多食酸則肉胝脇而唇揭味宜甘牛肉  
粳米棗葵之屬脾苦濕急食苦以燥之使復其性之所喜脾斯健  
矣白朮之苦溫是已過燥則復欲緩之以甘甘草之屬是已穉穉  
之化故甘先入脾性欲健運氣旺則行補之以甘人參是已長夏  
之令濕熱主人脾氣斯困故當急食苦以瀉之黃連之苦寒是已  
虛則宜補炙甘草之甘以益血大棗之甘以益補乃所以補養也  
足也

開經藥食所宜

藥宜

補

白朮

茯苓

人參

黃芪

茯苓

山藥

陳皮

甘草

蒼朮

扁豆

川芎

薏苡

天麻

當歸

苜蓿

雄黃

辰砂

丁香

菱薹

山楂

防己

白芷

砂仁

瀉

升麻

白芍

防己

白芷

砂仁

烏藥

葛藟

大黃

靈仙

鼠粘

忍冬花

山甲

皂子

沉香

沒藥

乳香

山豆根

烏蛇

牛黃

麝

食宜

牛肉 猪脂 鴨 犬肉 鹿肉 鱧鱺

蚶 時魚 鷄卵 火肉 羊 鱮魚

猪腩 芡 蓮肉 棗 荔枝 橄欖

松子 川椒 姜 菘菹 芹

脛經藥食所忌

藥忌

死砂 生砒 苦參 胡黃連 地黃 膽草

蝦蟇 蜈蚣

食忌

石首魚 鵝 猪肝 鴨卵 雉 蝦

南麩 菱 梅 柰 糟 醋

榴

韭

諸血

肺爲相傳之官治節出焉氣之本魄之居也其華在毛其充在皮爲陽中之太陰爲牝臟通於秋氣魄安則德修壽延氣常則順氣變則逆送則違其性矣病於外感者居半調治者當以清肅上焦而使用平味苦苦多食苦則收枯而毛折味宜辛雞肉黃黍桃葱之屬是己氣上逆急食苦以瀉之黃芩之屬是己其收歛肅故其性善收所收酸以收之白芍之屬是己賊肺者熱也肺受熱邪急食辛以補之桑白皮之屬是己不斂則氣無所管束是肺失其職也故宜補之以酸使遂其收斂之性是卽補也五味子之屬是己肺經藥食所宜

藥宜

補

人參

黃芪

茯苓

阿膠

白苳仁

木香

桂枝

沙參

蛤蚧

琥珀

鍾乳粉

辰砂

牛黃

瀉

麻黃

杏仁

防風

升麻

川貝母

桔梗

羌活

荆芥

橘紅

射干

檳榔

薤皮

花粉

牙皂

蘭葉

槐花

鼠粘

山甲

姜蚕

神水

片腦

白花蛇

麝

食宜

鷄

豬肺

火肉

風魚

豬腩

羊肉

鷄卵

牛

鵠

鵝

胡荽

萊菔

芹

麻

松子

榛子

梨

榧

柿

蜜

葱

隨經藥食所忌

藥忌

死砂

生砒

苦參

黃連

斑毛

胡迎

天門冬

鎖粉

硫黃

亭陸

食忌

石首魚

蝦

蟹

鴨卵

猪肝

麩筋

杏

柰

楊梅

銀杏

蒿苳

諸血

腎為作強之官伎巧出焉封藏之本精之處也其華在鬚髮其充在

骨為陰中之少陰為牝臟通於冬氣志營則骨髓滿實屬真陰其

性本潤故惡燥涸病於腑者多外感病於臟者多內傷調治者當



以滋陰益精味忌甘多食甘則骨痛而齒落味宜鹹豕肉大苳粟  
藿之屬腎苦燥急食辛以潤之知母之屬是已欲堅急食苦以堅  
之葢腎非堅則無以稱作強之職四急以遇濕熱則軟遇寒冷則  
堅五味以得鹹則軟得苦則堅故宜急食苦以堅之黃栢味苦氣  
寒可以堅腎故宜急食以遂其欲堅之性也以苦補之是堅即補  
也地黃黃栢是已鹹能軟堅即瀉也澤瀉是已虛者精氣奪也然  
非益精無以爲補故宜熟地黃黃栢補之

腎經藥食所宜

藥宜

補

熟地

枸杞

山萸

五味

狗脊

川牛膝

當歸

杜仲

首烏

故紙

益智仁

鹿茸

敗龜

鱉甲

附子

肉桂

五加皮

蛇床

羊藿

鍾乳

磁石

虎骨

陽起石

川狗腎

紫河車

紅鉛

天靈蓋

瀉

黃柏

知母

澤瀉

獨活

沉香

川山甲

蟬退

全蝎

血竭

烏藥

琥珀

牛黃

麝

食宜

豕肉

猪腎

醃鷄

甲魚

鱧鱺

鹿肉

犬肉

鷄卵

火肉

風魚

雀

芡

胡桃

乾笋

栗

腎經藥食所忌

藥忌

靈砂

食忌

牛肉

蛙

柑

靈砒

輕粉

胡連

蟾酥

羌耶

鴟

石首魚

鴨卵

豬肝

蝦

鱖魚

茄

甜菜

蕎麥

南麵

糖

青梅

宜忌一則雖不及於傷寒痘疹投劑少差死生立判是證少錯輕必  
 變而為重重必至於頃危毫釐千里毋得忽畧且宜忌不為智者  
 道也如產後無虛肝無補法痘瘡不宜汗下傷寒不宜進補此數  
 者皆謂粗工不諳病之進退故有是戒余觀上古哲人治疾或以  
 毒藥攻之投毒藥者不盡劑也所以有十去其幾之約殊不知

去其幾之約爲最難而又難於識病氣之淺深也明其病氣淺深者又不拘於藥之良毒矣如扁鵲投人毒藥名聞諸侯五石散不思參朮感應丸芭黃竝施產後以人參五靈脂同劑此皆古人心契意會立方之妙故良將用兵竒正虛實互施者神算故也業此術者豈不亦猶良將乎哉傳曰神而明之存乎其人信夫